

半翁詩集二

溫州府圖書館藏

溫州府 國 公 館

半翁詩草

元旦

流光容易又新年
元旦無端雨雪天
澈骨寒威風力峭
比隣爆竹響聲連
衣冠賀歲身偏懶
詩句驚人喜欲顛
拜首東皇無別祝
清閒便可抵神仙

閒居雜遣

境靜心逾靜
眠遲起亦遲
病勞妻煮藥
閒課女吟詩
蔬為留宿剪花因
避雨移朝來
清興足滌硯
試陶麩
閑置如新婦
終朝不捲簾
時將書悅目
愛聽鳥鳴簷
禿



樂清鄭雲衢



筆憐毫謝新詩信口占倦來偶倚枕味入黑鄉甜
呼童培藥圃促婢護花枝得句茶香後懷人月落時身
閒朝睡穩客散午炊遲饒有清幽趣惟應我自知
屋角掛朝曦林巒簇景奇園花開鼓子徑草茁鈴兒對
竹還思鶴携柑為聽鸚催將詩興起醉倚畫欄時
任人來訕笑與俗殊酸醎醉酒紅螺醎鋤花白木鐸禪
參蓮社遠清企竹林感莫問窮通事杯盤且放饒

舟中

傍晚欣看霽景開一枝蘭槳水雲隈半生爪印憑誰記
此是游蹤第幾回

一條水碧一舟輕
 兩岸斜陽焰眼明
 不是晚晴催得白
 此行未必有詩成
 垂陽樹樹有鶯聲
 春水迢迢又一程
 最是晚風多好意
 吹開濕霧敞新晴

對月

老我無成世共訾
 茫茫人海孰心知
 多情惟有天心月
 照我依然似舊時

釣叟

一竿冒雨立湖濱
 芳餌多投賺錦鱗
 魚也似曾知避釣
 費他長日枉垂綸

遊沙頭山道院贈明心道人

松杉如幄午陰連
鳴玉琤琮響澗泉
樵笠穿雲青嶂外
笋輿搖夢翠微巔
不知名有巖花好
極可人惟晚靄妍
面壁十年應有得
好從色相悟真詮

我來半為覓山川
捫葛攀蘿復道旋
境靜真如來福地
心閒不礙擬游仙
帶詩呈佛懷中有
訪道名山世外緣
甚欲相留談妙理
夕陽萬木起蒼烟

和筠兄帶草堂重移硯席詩次韻

巢痕歷歷認當時
喬梓相偕再下帷
草堂秋風携子課
棘闈香桂為兄期
時近鄉試高飛可遂鸞鳳願
壯志何曾燕

崔知開卷會心應不遠未須惆悵更誰師
兄作有成連
仙去竟誰師

小堤以和筠兄帶草堂重移硯席詩示予因成長

句奉答三疊前韻

帶草堂中記者時曾同硯席下書帷師門化雨悲徐邈

謂徐漸遠師蘭譜同心有子期
繾綣情懷憐舊雨
頽唐病骨

孰新知瑤章和就慙顏甚小敵何堪抵銳師

春日黃菊襟洪魯山葉石農偕長林塲高公維基

過訪喜賦次首專簡高公

嫩寒天氣睡初酣不速欣來客兩三別有胸襟都磊落

全忘禮數怒狂慙生多僻性難諧俗人盡相知好縱談
安得杯盤長聚首一鐙話舊擘黃柑
四千里路七旬人竟向天南寄此身官好何妨居末職
政閒越覺見精神不嫌疎放偏青眼恰喜韶光正好春
笑我年來無飲興因君聊為一沾唇

杏花

一到春風爛似霞滿園杏子滿林花醫門多疾人來往
錯認西陵董奉家

仲兄以端午詩索和次原韻

爭看競渡笑談諱喜值端陽景色華黃紙書符祈獲福

綠雲裏黍類搏沙蒲觴泛白朝開甕榴火燃紅晚吐霞
吹到墮聲懷仲氏唱酬恨我筆無花

苦雨歎

休徵年來時雨暘閭閻鼓腹喜豐穰仁民愛物上蒼心
今何其酷降水殃馬鬣之滴竟誰掌簷端珠瀉聽斷腸
苦無長繩繫白日擎出雲表金盤先生使毒霧霾癡風
狂莒生礎魚上堂那得不令心張皇舉頭問穹蒼如何
不降康天亦無言耳一任翹首望况值腰鎌刈稻剛舊
穀沒賴新穀嘗貧家那有隔歲糧倘再淋漓紛不斷玉
粒定物約作秕糠物濕則腐理使然况屬倒浸水中央予

家基址高不比窪下房黃雲堆滿東西廊鄰家搬運處
處藏少陵萬間庇寒士予欲萬間庇稻梁慘煞青茅粒
粒茁已成之穀又成秧朝餐夕飧生命繫何物可替充
饑糧吁嗟乎苗初秀怕蝕蝗蟲結實又虞遭颶風蝗蟲
滅迹邀天幸風未颶颶一掃空只此傾河倒海簷際雨
使我有穀與無同不得春炊饑腸充枉說今年歲稔豐

勤

運甓習勤若干秋我愛陶居家時努力勵學夜焚膏歲
月須珍惜筋骸要服勞朝朝常起早莫待日輪高

儉

儉乃德之共揮霍總非宜敢逐豪華習須防貧病時裁
衣綿可着脫粟婦能炊何必窮珍錯清寒飽露葵

庭中翫月頗有詩興適錢翼雲先生以對月書懷

詩見示因走筆率和

兀坐寡興趣直視目欲瞑振衣步庭砌散賞聊逡巡翹
首瞻天宇空曠淨纖塵頃之林梢上金盤掛月輪長天
明似畫大地白如銀恨無升天梯來作月中身借取吳
剛斧斫桂運風斤徒然在下界對月事狂吟我泣月不
知我歌月不聞巡簷構思間足音忽楚然哭來錢夫子
示我咏月篇宏鐘聲鏗鏘奇花色鮮妍光芒燦紙墨珠

玉耀華箋驪龍珠已探奚事覓爪鱗
擱筆藉藏拙弄斧敢班門先生趣
不已東家聊效顰伸紙揮兔穎滌硯
試龍賓詩成聊遣興敢鬪句奇新持
此呈嫦娥嫦娥應笑人

對月有懷南聲甫

吾憶南聲甫軒窓月印時孤燈憐
夜色獨坐有誰知馳夢勞飛逐停
雲感別離何當同剪燭話舊慰想
思

奉和宗夔府六句自壽

滿頭雪鬢又霜髭六袞懸弧介壽
眉入世忘機真作達愛書有癖不
關癡元方有弟才非曷徐淑子歸
室共宜

更喜芝蘭階下秀，象山靈氣倘鍾茲。
揆覽辰逢四月天，百花爭擁老神仙。
稱觴不少朱門客，多福能消白首年。
早自關心勤著述，何妨餘事理絃絃。
龍章會博天家寵，繼起門庭有象賢。

有懷白石山舊遊

我遊白石山，隔歲亦云久。
所玩諸峯巒，十忘其八九。
有水曰飛泉，尚能記憶否。
緬懷舊遊蹤，欲再此山走。
携來拄杖子，龍鍾成老叟。
只好翦茅茨，結屋玉洞口。
日日恣清游，茲山為我有。
飛章寄山僧，山僧或點首。

夜坐有作

香閨獨坐倩誰陪一燈如豆花怒開得句拍案忽大叫
驚醒閨人夢一回被底含笑向我說卿身母乃牢似鐵
苦吟夜夜到更闌有似枯木愁摧折憐汝多情笑汝癡
詩興狂來汝那知病軀綿悞亦自愛無如樂此却忘疲
笑我狂懷狂若此猶自搖頭搖不止起草正將破筆拈
白上東方窓上紙

食新米和小堤作

寢廟人人喜薦新多收玉粒續紅陳大家但解開筵宴
誰識盤飧盡苦辛

枕上聽吠犬

吠影狺狺落月橫
驚回蝶夢醒殘更
憐它司夜嫌它擾
功過評量却得平

山中夜歸

紅日沉遙山白雲
臥高嶺烟靄隨風
團蒼茫暮色暝山
逕闌無人但見松
杉影沿溪叩招提
禪扉鎖夜靜拄頰
踞松陰朔風徹裘
冷待月出林梢旋
歸尋草徑

讀書燈

午夜蘭膏一點明
丹心照我讀書聲
校書燄奪青藜杖
映字光爭腐草螢
青記兒時窓下味
紅移貧士月中情
何當使院金蓮炬
許沐恩光拜寵榮

多情惟有短長檠伴我昏黃直到今
貧士先偷鄰舍壁
殘篇照澈古人心
色如紅豆憐長夜
光奪銀蟾助醉吟
莫便輕為墻角置
好資維晷續分陰

寄詩筒

截得篋管巧製精
當年元白肇嘉名
尺箋潤帶烟雲氣
寸管清含雅頌聲
曾共梅花勞驛使
好憑斑管寫離情
一函來往愁風雨
藉爾虛心證舊盟
阿誰為爾錫嘉名
獨出新裁巧製精
渭北江東勞驛使
卽中司馬互郵程
虛心伴貽平安字
束筍憑傳唱和情
捲就花箋煩寄去
往來須藉此君盛

咏懷

歲華在苒失東隅
晚景桑榆且自娛
但愛提壺酣酒聖
敢同障簾誚錢愚
身經憂患粗知足
性喜清幽莫唾迂
笑問坐生成底事
真如兀坐一僧枯

堤邊閒眺

溪橋鳥掠橫
挽靄山寺僧穿亂
罩烟拄杖河干澆
眺久夕陽疎柳亂
鳴蟬

寄黃菊襟閩中

推敲未就句
誰商舊友迢迢宦
遠鄉欲寫蠻箋
憑雁羽天南雲路
許多長

雜詩

空山一迂儒，寂居嚼蕭索。昂首志雲霄，未甘埋溝壑。向
陽抱悃誠，心苗擬葵藿。肺腑藏龍淵，胸宇懷鄒鑊。願言
發新硎，銛鋒快揮霍。一掃淨妖氛，溟濛天宇拓。悲哉志
難酬，哓哓徒蹇蹇。

木亦號連鯉，魚亦稱比目。鳥有羈羈羣，獸有駝蛩族。人
為萬物靈，偏若異凡畜。諒非生性殊，天真由喪斲。小忿
廢懿親，泉刀踈骨肉。我憫賦小詩，欲作晨鐘覺。相好毋
相尤，恩情篤手足。匪惟禦外侮，和氣家庭福。騏驥搏鼉鼈，
其技不如狸。鳳凰稱神鳥，捕魚須鸕鷀。猿

棟與搏攬用之各有宜所任非所習鈍拙其奚辭苦口
無如藥病反藉以治牡丹雖富貴祇宜三春時物性有
萬殊人其知不知

泰華與培塿本自異下高于將不見試曾不異鉞刀芝
蘭氣馥郁莫擷埒棘蒿立品可自主顯晦任所遭時命
苟未來良弓何妨韜隱彼屈原氏悲憤賦離騷

平地矗高臺一簣立基址勿謂一簣微層累由此始雲
漢渺迢迢行遠必自邇古幹聳而森高峯兀然峙願力
果堅凝何遽不若此進取低雲霄暴棄阻尺咫駕馬速
蹄揚張弓勿弛弛鵬搏翻扶搖下界睥睨視卑飛陋斥鷃

終焉邱隅止
空山一樹梅
杈牙鬱枝條
不向春風裏
隨眾逐喧囂
標格故自異
陋彼李與桃
惜無人來擷
委棄埋蓬蒿
移植向朱門
聲價陡然高
巖壑冷託根
我為憫所遭
功名是何物
百計拚命謀
榮華未到眼
霜雪已盈頭
吾少多壯志
馳驟騁驍騑
自從病鬼來
萬慮一齊休
此非病阻我
實命之不猶
命定無如何
人謀能強求
一笑付浮雲
通塞兩悠悠

羨幸

羨幸觀書眼
尚明案頭文
史亂縱橫鵬
飛霄漢人何遠

鷗夢江湖我亦清恰是無心偏得句最難世慮不攪情
蓂苓服久翻多病枉覓竒方說養生

病中久未讀書

久未攤書讀塵埃積滿胸學真如退鷁名敢冀登龍晒
藥消清晝折梅比瘦容嬾如稽叔夜視我未為慵

半翁

笑把頭銜署半翁中年人與晚年同早衰敢異百年在
多病能教萬念空半盞濁醪邀客醉一犁春雨課農功
閒中領取閒中趣拄頰看雲立晚風

題壁自警

蛟龍蟠泥沙，既得肆其技。騰翥上雲霄，蟻族徒仰視。是以讀書人，未甘埋故紙。陋彼蟠屈蠖，願為燒尾鯉。題橋司馬奮，投筆班超起。壹意立勳名，顯榮求祿仕。或笑為熱中，知非彼知己。有道貧且賤，居皆下流恥。求其所自立，猶豫未足恃。双丸疾若梭，流光迅如矢。時序去不還，棄之若敝屣。嬾訪即墨侯，慵尋管城子。一暴或十寒，鮮終空有始。吾願鼓餘勇，自彊毋自止。須為人所羨，毋為人所鄙。

寫興

通德家風世，胄逸半生踪。跡溷漁樵，升沉付與生前定。

恩怨都從悟後消却為延年栽杞菊豈因學字種芭蕉
評花玩月頗清適漫撫頭顱感寂寥
鄴架曹倉味不厭沉沉晝日靜垂簾龍涎噴鼎香燒慧
在古烹茶水取廉半世牢愁聊且過一身耕讀豈能兼
放開眼慧看時變片紙新聞日日添
且事逍遙樂夕晨雄飛雌伏各前因蓬茅寂寞甘安我
印綬豪華不羨人對飲有花兼有月狂談誰主復誰賓
閒中趣味多心賞敢信幽棲誤此身
衰頹早上髻邊霜敢逞先生一味狂問疾無人閒頗可
持家有婦拙何妨多愁祇借詩懷遣少挫能添飲酒長

最是平生奇恨事秋風從未戰文場予以多病故從未

恨事也

盤旋鳥道亂穿烟襟袖凉生薄暮天苔磴高低初過雨
松陰深淺亂鳴泉蕭蕭短髻愁衰矣得得閒游且快然
拚掃塵心卧禪榻嵐光飛到寺門前

春日水邊閒步

淡蕩烟光一抹橫黃鶯柳底語新晴春風籬落渾如畫
獨有閒人看得清
桃花無語綻新紅柳絮條條弄晚風狂興忽來看未足
又隨流水小橋東

春山燦爛水清冷，小鳥低飛掠翠萍。
行向長堤揩老眼，平原彌望草青青。

古木青葱嫩草新，波心獨鴨自呼名。
黃鸝催我詩心起，榆柳陰中叫一聲。

雲淡天空野氣清，花紅水碧夕陽明。
調鉛欲寫江村景，想像還愁畫不成。

新正連日風雨客無至者獨酌成詠

風雨迷離併此時，客來賀歲故應遲。
流光荏苒逢人日，獨坐無聊醉酒卮。
狂態不妨人共笑，豪情敢逞我能詩。
况多衰樂中年後，未識憑誰一遣之。

新正穀日玉甫弟招陪吳郁哉尚貫三即席口占
紅燭雙輝薄暮天春風滿座啟華筵
催來狂興拳如雨擊動詩心酒似泉
吾輩襟期宜灑落阿連情誼恰纏綿
此番讌集真歡洽即我顏唐亦快然

新正招徐竹屏小飲適楊小堤亦至

此會真堪稱率真不分是主不分賓
劇談狂倒千鍾酒不速欣來一故人
料峭寒風春似夢廉纖疎雨氣如塵
盆梅知有佳賓在獻媚爭開一朵新

春日偶成

漫山花藥笑春風獨我仍然與舊同
衰病儘忘新歲樂

閒愁全換昔時容，塵勞易折詩中興。
塊磊難澆酒外胸，不是蕭騷狂興減。
年來骨漸龍鍾。

竹屏招同林漢川小集味書閣即席賦贈漢川

當年同此醉華筵，今日重逢意暢然。
佳節上元燈火夜，春風滿座綺羅天。
丰標似玉裴中令，詩句如花李謫仙。
投分非關親舊誼，三生石上有前緣。

新正十日集徐竹屏愛吾廬之味書閣用樊謝山

房集吳敦復瓶花齋詩韻

明媚林巒雨霽初，青鞵閒訪愛吾廬。
顏飽餽聖人酒

粉壁多懸宰相書，壁間懸曾滌生李少滿座奇香初爇。

荅左季高諸相國書

鼎羊鈎新月恰臨除幽居別有閒風趣麕眼籬邊自擷蔬

贈楊小堤

吾友小堤意氣雄鴻軒鳳舉氣吐虹森森矗立和嶠松
眼光爛爛王安豐嵇紹鶴在鷄中羣即看標格已不同
况復文章錦繡工造鳳樓手薄雕蟲詩篇珠玉吳江楓
堅壘誰敢偏詩師攻賦筆過軼聲摩空赤城霞起孫興公
才藻應獨步江東縱然秋闈一戰遇罡風楊公鶴豈真
斃斃而君不怨上蒼太夢夢不諂主司頭腦烘依然鑄
硯志磨杵功鑿鄰壁映囊螢百城山擁坐書叢達摩面

壁力研窮要使名標虎榜桂折蟾宮二月春風紅杏紅
雲程萬里取次通

寒士吟

破笥無衣瓶無粟老妻喪氣兒女哭敗笑無烟囊無錢
親朋人世冷眼誰見憐吾讀毛內翰之貧士嘆苦况視
此猶止半更觀沈山人之貧况詩彼猶差可此過之造
物生人亦何意徒使寒士簫條挫壯志萬卷撐腸餓欲
死饑來祇好吞蠶紙多少紈褲肥魚大肉飽高官從今
須燒盡典冊高文何用看

壽南銘石表兄六十

緣締三生石情聯中表親相知如骨肉累世訂婚姻樽
酒論文洽歲時聚首頻聊將詩介壽預祝八十春

館頭驛

殘燈曉驛亂鷄聲催上風帆不少停客路相逢多白眼
迎人獨有好山青

幽居遣興

一架殘篇一敞廬家於山水樂樵漁疎狂敢索長安米
老拙惟乘下澤車滿室清香花映戶半簾疎影月臨除
年來惜少知心友獨向床頭讀異書

春日雜詠

淡雲輕靄嫩晴天啼鳥聲嬌破曉烟捲起湘簾人意好
桃花紅到畫欄前
偶從籬角一凝眸大小蛛絲結網稠礙我閒行憐覓食
折竿欲挾笑還休

寄贈家星舫

促膝聯床夜雨風時承枉顧草堂中半生心緒絃韋契
老死書叢爾我同閨閣生香耽翰墨詩箋有味互鱗鴻
只憐故舊多凋謝落落晨星剩有公

家在碧荷花盛中人饒五柳七松風詩才紅葉鄉先哲

鄉先生徐春臺有紅葉萬山書味青燈宋放翁政錯相
秋之句當時有徐紅葉之目

期為樂石象賢無愧絃箕弓傾心豈但才華擅有子不
凡更羨公

老來

少日苦多病老來病更加飽餐防作脹當暑怯衣紗瘧
鬼秋成例晨杯藥當茶衰頰真可笑何以度年華

漁家

一箸笠一竹竿獨釣寒江寒得魚買錢錢買米飽食團
圍信足歡君不見多少勞身走風雨東西南北別離苦
天涯夜夜思歸心恨不此身插兩羽妻孥兒女共一船
不及漁家長相聚

秋日偶成

梧桐一葉下鴻雁兩行斜
竹解黏泥籜荷乾墜水花
波塘浮小鴨樹杪亂昏鴉
為愛蕪鱸美多衰恨脫牙
為掃階前葉來烹竹裏茶
引泉因植果趁雨好移花
答友書常誤疏方藥未差
兒童安寂靜知我愛無諱

詠蘭

一枝蘭蕙寂開花
插在籬邊最惜它
不但糾纏多蔓草
四圍更有棘荆多

自遣

不慕生封萬里侯
不須騎鶴上揚州
平生祇愛鄉居樂

歎段逍遙馬少游

雜感

夢夢天道苦難知
黑白模糊惹我疑
九畹芝蘭輕小草
滿園荆棘得狂枝
橫行極目紛成蟹
多刺撩人鯁過鯢
誰信爐灰真已死
因風來復有燃時

異製林宗獨折中
紛紛桀犬吠狺狺
鄭魚魯鼎人多紹
篝火狐鳴事豈真
排解魯連徒費舌
瞞騰醉尉易生瞋
人情雲雨多翻覆
事過都成芻狗陳

贈徐君竹屏

欲覓同心訴不平
憨癡似我眼誰青
卅年細數真知己

一樹梅花一竹屏

僻處

僻處架蝸廬喧闐無車馬門外多風塵箇中頗閒雅蘭
蕙種成叢桐梓已拱把長松百尺高嘯詠於其下詩興
偶然來拈筆遂亂寫境地頗清幽襟懷亦瀟灑問此是

何人云是讀書者

生平喜讀書好與古人友遇有忠烈者慨慕不啻口更
有名大儒焚香輒稽首視之如鐘彝仰之如山斗即古
以為鑑步趨常恐後雖難踵茅蕝庶以勵操守所以日
閉關嬾出與俗偶

黃紱秋孝廉北上應禮部試詩以送之

公車迢遞赴燕臺星使班高笑語陪

時黃漱蘭通政與同行通政去秋典

閩試告假回藉期滿旋京

此去春風應得意杏花紅襯馬蹄回

登金山

祇從草舍獨盤桓今日閒來試一看多竹地能成別趣
無峰山總不奇觀衝風樵擔壓肩重冒雨僧裝着體寒
一任斜陽催客去少留我正有餘歡

仲兄筠邛首舉一孫以詩為賀

吾兄四十作阿翁弟將四十表生子可憐本是同根生
命之相懸竟如此明日三朝湯餅筵吾作小詩呈兄視

阿兄縱多煩惱魔見詩應亦笑不止祝兒他日事事皆
如兄不妨將弟小詩當作券一紙

附錄仲兄筠邨和作

我觀香山與隨園詩中常道未生子勸君莫嗟崔
慎遲大抵詩人多如此祇是花女子待時開早晚何容
有異視我雖子早今生孫添得家累何時止明朝
須來同一醉人生憂樂尋常耳不愛君飲愛君詩
興來當更書滿紙

喜小堤至

少隔故人面頓教繫我思幸從風雨夕得共笑言時僻

性從人罵愛書似我癡惟君臭味合信可稱心知

綠蕉軒喜晤洪位三春來

曾從殘臘炙光儀重此談心聚履綦對我青曾垂阮眼
如君白豈愧常眉閒情中散琴三年弄妙技俛迂筆一枝
甚欲燈邊長聚首免教落月賦相思
綠酒紅燈又一時春風伴我醉瓊卮清談娓娓東方朔
逸態翩翩杜牧之一曲狂歌絲竹肉三更清興畫書詩
聰明絕頂丰神秀那不逢人說項新斯

金峯寺

清遊頻此地恰喜近吾鄉以外皆山抱其中一寺藏竹

露晨牕潤松風午榻涼
迎眸間立久嵐翠滿衣裳

嶺頭寺題壁

偶來躋絕巘不日惜勞筋
溪水如余冷檀香對佛熏
松陰圓似繖嵐氣幻成雲
墻角殘碑卧剜苔認舊文

畫蝶

栩栩蘧蘧是也非
從頭一一認依稀
何當化作莊周夢
來向花間逐隊飛

風月樓晚眺

一帶風光兩眼收
忍寒攬勝此登樓
雜花生樹交枝格
好鳥鳴春互唱酬
烟靄迷離添暮色
光陰荏苒付閒遊

多情最是斜陽好猶有餘光為我留

贈錢商山先生明灝

十年久切識韓思竟使無緣覲面時忽報高軒過蓬華
得從末座炙型儀笑譚與我霏清屑尊酒留公愧薄醪
倘得遊山腰腳健雲龍上下擬追隨

公真懷葛之遺民古貌清標最可人晤叙儘融前輩氣
訂交肯與後生身酒邊奇氣豪如昨筆下清詞妙入神
大宅道南居許寄移家應與結芳隣

劉伯倫

平生低首劉伯倫一杯長作醉中人醉中笑煞他人醒

醒裡何如醉裡身

對月懷黃菊襟

清光兩地照相思彼此吟懷欲動時我憶君猶君憶我
明朝應有往來詩

四十初度

身到人間四十年功名事業兩茫然不知何故偏生我
清夜思量欲問天

見海舟有作

風顛浪惡不曾休幾覆波心一葉舟
棹手篙工猶夢夢
停看我却為擔憂

雨中友人見訪

雙扉長日不曾開
細雨如絲濕草萊
偏有閒人能見訪
不嫌雙屐踏雲來

古剎

放出青山好游雲
四面分炊烟
林外起鐘磬
上方聞僧
老埋塵垢碑殘沒
舊文蒼茫憑眺久
寒意入斜曛

雨泊蒲州

重重濕霧鎖江流
大海茫茫一葉舟
波浪掀天風雨惡
亂雲深處泊蒲州

溫州府 國 公 館

溫州府 圖 卷 終